

# Il Tur da Frantscha daspera

DA SILVIO CAMENISCH

In cyclist da temp liber ul-trambizius curra sulet da noss Tourmalet regiunal siador, minutas ordavant al tross da medems cyclists da temp liber. Cyclists da temp liber e betg main cyclists èn ozendi sa vestgids tuts da profis. Professunalisaziun totala sco quai ch'ìl spiert dal temp cumonda en il sa vestgir, sa nutrir ed ir, meglier detg curren. Ins curra per spass da noss culms siador tut il temp liber. Gia ils lavurdis saira suenter la lavur fatga, cur che la sairasantga cumenzass atgnamain, wenn die Arbeit getan und der Abendfrieden beginnt, sco quai ch'ìls cartents Zillertaler Schürzenjäger inchantan impressiunantamain.

Ins curra, sch'ì sto esser sa amazza, dals culms siador per plaschair e per spass mintga minuta libra ch'ìns ha. I sto crai jau esser. Il factur spass na dastga betg vegnir a la curta en la societad da spass. Stop, mument, jau met daspera la translaziun sinoptica die Spassgesellschaft, ozendi dumandada en tuttas ediziuns novas rumantschas.



Cun quella purschida, jau suppon unica en la litteratura mundiala, vegn ins encunter fitg gist a nus Rumantschs che rudlain tras bellezza natira e cultira rumantscha cun noss velos da cursa, Rennvelos sinoptics. Mintgin e mintgina a la tschertga da ses culms, ses chastels, ses siemis blaus, ses plazs da podest. Super.

Nus aspectatur fieu e flomma lung la via dals culms siador, faschain or in pèr dunnas en il tross dal rest masculin. Medems dress da cursa erodinamics, windschlüpfrig, per omduas schlattainas resortidas da la stgaffiziun da Dieu detg interessanta e reussida. Bain bain. Las dunnas per hobi e spass han damain mantun tranter

chommas, en il tagl, im Schritt, nua che la sella vegn encunter. Spetga, qua davos vegn in auto da material, po'la sa tegnair vidlonder e laschar tirar suenter super dal Materialwagen ina rotscha meters, senza che las controllas s'accorschian e prendian or dal tur, ed a medem temp laschar drizzar la sella uschia ch'ella seglia betg trasor encunter. Fa gea mal.

Tge datti là sisum il pass? Paucs meters sut la culminaziun dal Tourmalet regio, ch'ìns sa corscha vi da l'arvieu radund triumfal en color rosa, stat tut airi. La gliעד fin uss fanatica, sturna, la gliעד batta!, è vegnida tut curiusa. I sa derasa silenzi sepulcral. Da sepultura, sco quai ch'ìl pled di sez. Qua na stuain nus aschuntar nagut, u lain tuttina metter daspera la translaziun sinoptica Totenstille, per vegnir encunter al giavisch da bliers gist era Rumantschs. Il cyclist surmotivà a la testa, lunsch ordavant al tross che vegn suenter patgific, è crudà murind u mort giu dal Rennvelo carbonic. Donn.